

明

史

明史卷三百十九

列傳一百七十

俞大猷

戚繼光

劉顯

俞大猷字志輔晉江人少好讀書受易鄉先生王宣林福趙本學得虛齋蔡氏傳又從李良欽學擊劍家貧屢空意豁如也父沒棄諸生嗣世職百戶舉嘉靖十四年武會試除千戶守禦金門地雜軍民囂訟難治大猷導之禮讓訟為衰止時海寇頻發陳書監司論其事監司怒曰若小校安得上書杖之奪其職尚書毛伯溫征安南後上書陳方畧請從軍伯溫奇之會兵罷不果用二十一年俺荅大入山西詔天下舉

武勇士大猷詣巡方御史自薦御史上其名兵部乃  
走京師會伯溫方掌樞務復上書自通伯溫送之宣  
大總督翟鵬所召見論兵事大猷委折之鵬心異其  
言謝曰吾不當以武弁待子下堂禮之驚一軍然亦  
不能用也大猷辭歸伯溫用為汀漳守備淮武平作  
讀易軒與諸生為文會而日教武士擊劍由是武平  
一軍特精二十四年海賊康老作亂發水師連破之  
俘斬三百餘人盡奪其甲仗擢署都指揮僉事僉書  
廣東都司新興恩平峒賊譚元清等屢擾屢叛總督  
歐陽必進薦大猷圖之乃修保甲增營堡令良民自

為戰守而親率數人遍詣賊峒推至誠曉譬禍福且  
教之擊斂賊見其斂術莫不駭服有蘇青蛇者力能  
格猛虎大猷給之璫市新之賊益驚畏乃詣何老狗  
峒令歸民侵田而招諭巨魁數輩悉伏罪自是良民  
不畏盜新民不畏兵二邑以寧二十八年朱統巡視  
福建薦為備倭都指揮會安南入寇必進奏留之先  
是安南都統使莫福海卒子宏漢幼其大臣阮敬謀  
立其婿莫敬典范子儀謀立其黨莫正中互相讐殺  
正中收聚其黨百餘人來歸子儀收殘卒遁海東至  
是妄言宏漢死迎正中歸立擁眾剽掠欽廉等州嶺

海騷動必進檄大猷討之馳至廉州則賊攻城方急  
大猷以舟師未集遣數騎馳入賊營諭以歸順且聲  
言大兵已壓境賊不測果解去無何舟師至設伏剋  
頭嶺賊果來犯欽州大猷以舟師遮賊後盡奪其舟  
賊溺死甚衆七月復入寇大猷督水陸師追至永安萬  
寧連戰數日大破之生擒子儀弟子流斬首千二百  
級窮追至海東雲屯檄宏漢殺子儀果亟首來獻捷  
聞嚴嵩抑其功不叙但賚金五十而已是年瓊州五  
指山黎賊邢燕反構感恩昌化諸峽剽劫崖萬安感  
昌諸州縣攻圍城郭必進復檄大猷討之會朝議設

恭將於崖州即以大猷改任乃會廣西副將沈希儀  
諸軍剋期進勦生擒斬首五千三百有奇招降者三  
千七百乃言於督撫曰黎亦人也率數年一反一征  
豈上天生人意哉宜圖善後策建城設市用夷漢法  
雜治之可使數十年無反督府納其言大猷乃單騎  
入峒與黎定要約開誠化導黎悅爭持牛酒迎勞海  
南遂安三十一年倭賊大擾浙東詔授大猷寧台諸  
郡恭將明年賊攻破寧波昌國衛大猷以舟師擊却  
之復攻甯紹興臨山衛乘勝轉掠至松陽知縣羅拱  
宸督兵禦之賊浮海走大猷率舟師邀擊斬獲多然

竟坐失事與副使李文進等俱停俸未幾逐賊海中  
焚其船五十餘俘斬七百有奇詔予俸如故三十三  
年賊據寧波之普陀大猷督兵驅勦將士半登賊突  
出乘之殺武舉大斌等三百人坐戴罪辦賊六月蘇  
州倭流劫至嘉善轉趨松江出海大猷引舟師敗之  
吳淞所詔除前罪仍資銀幣其冬賊自健跳所入掠  
紹興諸縣大猷連戰破之斬首三百餘級旋代湯克  
寬為蘇松副總兵明年四月賊犯金山大猷戰失利  
時松江柘林賊益二萬總督張經欲大猷連戰大猷  
曰吾頭可斷豈可使吾孽不勝哉至五月諸軍畢集

乃從經大破賊於王江涇斬首以二千計竟坐金山  
失律誦充為事官而王江涇之捷為趙文華胡宗憲  
所攘大猷遂不獲叙時柘林倭雖敗復有新倭三十  
餘艘突犯松江青村所攻城不克縱火自焚其舟登  
陸肆掠其他若南沙小烏口浪港諸處悉有倭賊泊  
岸即焚舟散劫官兵稍稍逼之賊乃合營犯蘇州陸  
涇壩直抵婁門南京都督周於德引兵來援一戰而  
敗賊遂分為二一由齊門而北轉掠鮮壑一由胥門  
水潰而南轉掠橫塘諸鎮延蔓常熟江陰無錫之境  
出入太湖勢甚熾大猷偕副使任環擊賊陸涇壩大



敗之斬首二百七十焚其舟三十餘餘賊奔潰其先  
泊三丈浦者駕舟出海大猷引水軍遮擊沉其船七  
艘斬首一百三十賊退泊海中三板沙頭之他倭自  
嘉興犯吳江大猷及環督水陸兵邀之鶯脰湖諸處  
復破之賊奔還嘉興三板沙賊既敗掠民舟將遁大  
猷以水師追擊於馬蹟山生擒其魁俘斬百五十賊  
之聚金涇許浦白茅港者剽掠既久俱駕舟出海大  
猷分部水軍追及於茶山縱火焚其五舟賊走保馬  
蹟山三板沙將士復追及之壞其三舟俘斬百二十  
人江陰蔡港倭亦引舟出洋官兵分擊於馬蹟馬園

齊山諸處斬獲甚多。值颶風大作，賊舟多覆。次日柘  
林倭亦泛海出洋，為官兵衝擊，及海風簸蕩，沉溺二  
十餘舟。餘賊退還海港，登陸流劫無何，復泛舟出海。  
大猷及俞、董、邦政各督所部水軍擊之，斬首百七十  
級，獲其尤舟餘舟，遭風復壞其三。賊止餘三百人，自  
蔡廟港登岸，走據華亭陶宅鎮。屢敗趙文華等大軍，  
後見官兵四集，夜走周浦。屯永定寺中，官兵遂進圍  
之。而柘林失風，之賊復有九舟，巢於川沙窪。已而衆  
漸集至四十餘艘，而繼至者猶未已。巡撫曹邦輔劾  
大猷擁兵縱賊，世宗怒奪大猷世廕，責取死罪，招立

功自贖閏十一月周浦賊以官軍攻圍急乘夜東北  
奔為遊擊曹克新所邀斬首百三十遂與川沙窪賊  
合營諸軍日久伺擊賊乃焚巢出海大猷急偕副使  
王崇古合兵入洋追之及於老鶴嘴生禽斬首二百  
有奇燬其巨艦八焚溺死者無算餘賊奔上海浦東  
先是以倭患亟特命都督劉遠為浙江總兵官兼轄  
蘇松諸郡遠至數月一無所為廷臣爭言大猷才可  
用三十五年三月遂罷遠以大猷代之四月賊犯西  
庵沈莊及清水窪諸處大猷偕邦政擊之斬首三百  
五十賊遁陶山詔還大猷世曆六月賊自黃浦遁出

海大猷督水軍追之斬首三百餘級其年十一月  
以與平徐海功加都督僉事海既平浙西之倭悉清  
獨寧波舟山倭據險結巢官兵環守不能克是時土  
兵狼兵悉已遣歸而川貴所謂麻寨大剝鎮溪桑植  
兵六千始至十二月大雪大猷督諸軍四面攻之賊  
悉衆出敵殺土官一人諸軍益怒競進賊大敗擁柵  
自固將士用火焚之賊多死其逃出者獲爲官軍所  
殲賊盡平加大猷署都督同知明年胡宗憲方圍汪  
直用盧鏜言將與通市大猷力爭不可及直誘入下  
吏其黨毛海峰等遂擁衆據舟山阻岑港自守大猷

進軍環攻之雖時有少勝然海中素苦毒霧賊憑高  
死闘將士莫利先登多陷沒而新倭又大至朝議恐  
其合營數趣宗憲平賊宗憲畏罪謾為大言以對於  
是廷臣競詆宗憲并劾大猷乃奪大猷及叅將戚繼  
光職期一月內蕩平大猷等懼攻益力賊死守不下  
三十七年七月乃自岑港移柯梅造舟將遁十一月  
舟成遂泛海去大猷等引戰艦橫擊之沉其一舟稍  
有新獲餘賊遂揚帆而南流劫閩廣時官軍圍賊已  
一年宗憲利其逸去實陰縱之故不督諸將邀擊已  
而御史李瑚劾宗憲貽禍隣國宗憲懼以大猷與瑚

俱福建人疑其端言且欲委罪自解明年三月勅大猷改遣節制縱賊不擊世宗怒逮繫詔獄再奪其世廕朝士盡知其寃然畏宗憲無敢言者時陸炳與錦衣素賢大猷密以已貲投嚴世蕃獄得解令立功塞上大同巡撫李文進故與大猷共事浙東習其才與籌軍事乃剋獨輪車用人推輓翼以步卒更佐以游騎上下山坡拒賊馬大便利嘗以車百輛步騎三千大挫賊於安銀堡文進上其制於朝遂置兵車營京營之有兵車自此始也文進將襲板升謀之大猷果大獲詔還其世廕未幾賊掠山西廣武大猷偕諸將

拒却之先是論平汪直功許大猷除罪錄用至是鎮  
草有警川湖總督黃光昇薦大猷即用為鎮草叅將  
諸土司昔從討倭隸大猷麾下熟其威名相戒毋犯  
廣東饒平賊張璉聚黨數萬張官偕號攻陷城邑積  
年不能平四十年七月詔移大猷南贛合閩廣諸將  
討之時胡宗憲奏制江西知璉已遠出檄大猷急擊  
大猷曰法在攻其所必救吾潛師搗其巢彼必還救  
因而乘之蔑不勝矣奈何以數萬之衆從夫浪走  
哉時諸道兵猶未集明年四月大猷疾引所部萬五  
千人先登柏嵩嶺俯瞰賊巢璉果返救大猷連破之

斬首千二百餘級賊懼扼柵不出乃遣間使離其黨  
俾說璉出戰將士從陣後執之并執其魁蕭雪峰廣  
人爭功攘之以去大猷不與較散其黨二萬不戮一  
人六月擢副總兵協守南贛汀漳惠潮諸郡時江西  
群盜畧盡獨程鄉巨寇梁宰林朝曦徐東洲姚梁如  
故大猷移師夜襲宰巢宰遁去東洲與官軍遇於武  
平伏發就擒朝曦復約賊首黃積山謀大舉官軍乘  
積山無備攻克其巢斬積山惟朝曦漏誅後亦為徐  
甫宰所戮其年十一月擢福建總兵官未拜命倭陷  
興化責戴罪辦賊四十二年正月大猷馳至平海駐



軍秀山去賊營三四里深溝高壘弗與戰而密布舟  
師於海外賊進無所掠退不得出困甚四月遂與戚  
繼光共平賊繼光受上賞大猷但資銀幣而已其年  
十月徙鎮南贛明年改廣東時潮州倭寇二萬與巨  
盜吳平相犄角而諸峒賊首藍松三伍端溫七葉丹  
樓輩各擁衆肆掠惠潮之間歲無寧日閩賊則程紹  
祿亂延平梁道輝擾汀州勢亦猖獗大猷既屢剪巨  
寇威名甚盛群盜畏之先遣使督紹祿歸峒五月抵  
上杭平騎入其營紹祿叩首請受杖遂統以行令驅  
道輝歸峒通汀其黨遂散紹祿歸其黨亦散竟為他

將勦滅八月至惠州時叅將謝勅與伍端溫七戰失利詭言俞家軍至端大懼馳至陣前驅諸酋以歸無何大猷果至端乞降而溫七遣戰敗被擒端益懼自縛詣軍門乞殺賊立効大猷許之因使為先驅雪賊官軍繼之圍倭於鄒塘四面縱火一日夜連克三巢焚斬四百有奇其十二月大破倭寇於海豐倭初自福建流入官軍乘其初至急擊之倭懼悉奔崎沙甲子諸澳奪漁舟入海遇暴風舟多覆沒得脫者二千餘人走保海豐金錫都大猷督諸將圍之相守且兩月賊食盡欲走副將湯克寬伏兵待之賊至伏發斬

其衆帥三人叅將王詔等軍繼至賊遂大潰俘斬無  
遺乃移師潮州以次招降藍松三葉丹樓遂使招吳  
平平剽賊其衆尤盛至是懼率衆來謁大猷使居梅  
嶺勸賊自贖已而復叛造戰艦數百聚衆萬餘築三  
城守之行劫濱海諸郡縣福建總兵官戚繼光督兵  
襲之平盡移輜重入舟率衆遁保南澳日事焚掠四  
十四年秋駕舟犯福建把總朱繼等邀之海中戰沒  
詔旨趣進兵甚急其年十月大猷將水兵繼光將陸  
兵夾擊平於南澳大破之平僅以身免奔據饒平之  
鳳凰山其衆漸集勢復張時繼光留擊南澳餘賊獨

大猷所部叅將湯克寬學超等引兵躡賊後連戰俱  
不利平遂趨樟林掠民舟出海明年正月聞廣巡按  
御史陳萬言陳聯芳交章論列大猷坐奪職會河源  
翁源二縣賊魁李亞元等猖獗總督吳桂芳留大猷  
討之徵兵十萬分為五哨剋期並進大猷先遣間使  
潛携賊黨而親督諸將直搗其巢生擒亞元俘首一  
萬四百奪還男婦八萬餘人俘獲賊屬以千計招降  
者又六千人詔計大猷執獲其年九月即用為廣西  
總兵官故事兩廣以一勛臣為總兵官與總督同鎮  
梧州至是用科臣歐陽一敬議兩廣各置大帥罷勛

臣不遺乃召恭順侯吳繼爵還京令大猷佩平蠻將軍印廣西之有總兵官自大猷始也是時伍瑞已死其黨王世橋出劫東莞執同知郭文通大猷督軍進討連勝之其部下執西橋以獻進大猷署都督同知海賊曹一本者既降復叛突犯雷州恭將魏宗瀚王如澄繆印率舟與戰敗績執印及把總俞尚志以去官軍死者八百人已而歸尚志乞撫復犯官軍戰數日守備李茂材中礮死官軍復敗事聞詔大猷暫督廣東軍協討隆慶二年六月一本率衆直犯廣州七月犯福建遠近震動大猷合郭成李錫軍合勦之賊

盡擒賊錄功進右都督廣西古田擒賊黃朝猛章銀豹等久為民患嘉靖末嘗兩入會城掠庫金殺叅將黎民表守臣莫能制四年巡撫殷正茂徵兵十四萬屬大猷討之乃分為七道期十二月朔並進連破東山鳳凰大巖澗水數十巢賊大潰聚保潮水巢極巖大猷會諸軍合攻之賊殊死鬪相持十餘日未下大猷陽分兵擊馬浪諸賊而密令叅將王世科率死士乘兩夜出賊不意登山設伏黎明砲發賊大驚諸軍攀援直上賊盡墮崖谷死馬浪諸巢亦相繼下以明年三月朔領師斬首獲生八千四百有奇朝猛銀豹

俱被擒餘悉撫定百年積寇盡除論功進世廕為指揮僉事大猷為將屢馭下有恩數建大功威名震於南服而巡按李良臣乃劾其奸貪不法兵部力保持之詔許還籍候調其冬起南京右府僉書未任詔以都督僉事為福建總兵官萬曆元年秋海寇突犯閩峽澳官軍失利大猷坐奪職明年四月復以署都督僉事起後府僉書領車營訓練未幾三疏乞歸卒贈左都督諡武襄大猷幼負奇志以古賢豪自期其用兵先計後戰不貪近功忠誠許國老而彌篤故所在勛庸卓然武平崖州饒平皆為祠祀譚綸嘗與書曰

節制精明公不如綸信實必罰公不如戚精悍馳騁  
公不如劉然此皆小知而公則堪大受蓋誠如霍子  
孟任如諸葛亮大如郭子儀忠如文天祥毅如于廷  
益可以托孤寄命智及仁守當今之世舍公其誰其為  
名人推重如此子咨舉仕為福建總兵官

戚繼光字元敬世登州衛指揮僉事父景通歷官都  
指揮署大寧都司入為神機坐營有操行繼光幼倜  
儻負奇氣家貧好讀書通經史大義嘉靖中既嗣職  
待試武闈值俺荅薄都城上書陳戰守大計山東歲  
遭班軍入衛繼光領中軍部伍獨整用薦擢署都指



揮僉事備倭山東三十四年改僉浙江都司尋遷叅將分部寧紹台三郡三十六年倭犯樂清瑞安臨海繼光赴援不及當獲罪以道阻見原明年會俞大猷兵圍王直餘黨於岑港久之不克坐免官戴罪辦賊已而倭遁他倭復犯台州所部六縣悉遭焚掠給事羅嘉賓等劾繼光勦賊無功通番有跡下御史按問旋以平王直功復官改守台金嚴三郡先是繼光至浙見衛所軍窳不習戰而金華義烏兵慄悍可用言於當道請練為兵乃召募得三千人親教以擊刺法長短兵間進迭用由是繼光所將一軍特精又以南

方多數澤不利馳驅乃因地形制陣法其節短其數  
明步伐便利一切戰艦火器兵械凡可制敵取勝者  
莫不精求而更置之自是戰無不利成家軍名聞天  
下四十年倭賊復大舉入寇分掠桃渚圻頭繼光急  
趨寧海道桃渚敗賊於龍山進至雁門嶺賊奔遁乘  
虛襲台州繼光還軍與戰手殲其寇餘賊敗潰走入  
瓜陵江盡死而圻頭倭復焚舟趨台州繼光簡銳卒  
千五百人擊之追至大田賊問道走仙居繼光從大  
道邀擊縱火焚之無一脫者先後九戰皆捷俘戮一  
千有奇焚溺死者不可勝計其犯寧波溫州者又焉

總兵盧鏗奏將牛天賜所破浙東平繼光進秩三等  
其年閩廣賊流入江西轉掠鉛山貴谿諸縣總督胡  
宗憲檄繼光援之繼光引軍馳赴擊賊上坊巢大破  
之俘斬六百餘人賊奔建寧繼光還軍浙江賊復乘  
虛攻陷宜黃為南贛軍所敗乃遁明年倭大舉犯福  
建其自溫州流入者合福建連江倭攻陷壽寧政和  
寧德諸縣自廣東南澳流入者合福清長樂倭攻陷  
玄鍾所延及龍巖松江大田古田莆田靡不殘破是  
時寧德已屢陷距城十里有橫嶼四面皆水路險隘  
特甚賊結大營其中官軍不敢進擊相守踰年其新

至者結營牛田而酋長營興化東南互為聲援閩中  
故無大帥兵寡賊多連章告急宗憲復檄繼光勦之  
乃間道疾趨先擊橫嶼賊令軍中人持草一束填壕  
而進大破其巢斬首二千六百餘盡焚溺死還被掠  
人口三千七百有奇乘勝進次福清直搗牛田賊大  
敗覆其巢餘賊走興化繼光令將士銜枚急追夜四  
鼓抵賊柵下賊猶不知縱火夾擊連克六十營斬首  
千數百級餘多死於火平明帥師入城興化人始知  
具彩帳牛酒郊勞者不絕為勒石平遠臺是時劉顯  
亦屢破賊閩中徇寇既盡繼光乃旋師抵福清過倭

自東營澳登陸麾兵擊之斬首二百級遂行而新倭  
至者益衆攻圍興化城城中堅守且匝月士皆疲困  
會劉顯遣帳下卒八人賁書城中其衣皆刺天兵二  
字賊殺八人衣其衣詭言劉將軍投牒賊賊城上語守  
將曰今夕且息鈴柝將有所謀或疑其詐請執之副  
使翁時器怒不許罷鈴柝如賊約夜未半八人者斫  
閤延賊入時器及叅將畢高遁去通判奚世亮攝府  
事遇害城中大亂伏屍狼籍興化多衣冠巨族華屋  
相望城外先以寇亂民間資財悉攜入城最爲繁富  
至是焚掠一空留屯兩月破平海衛據之先興化未

隋中朝已命俞大猷為福建總兵官繼光副之大猷  
與劉顯寧相持不敢擊四十二年四月繼光將浙兵  
馳至廵撫譚綸令繼光將中軍顯左大猷右合攻賊  
於平海繼光先登左右軍繼之四面合圍因風縱火  
賊殊死戰皆灼爛屍相枕藉無一獲免斬級二千二  
百縱還被虜者三千人綸上功繼光為首顯大猷次  
之帝為告謝郊廟大行叙賚繼光先以橫嶼功進署  
都督僉事及是進都督同知世廕千戶其年十月遂  
代大猷為總兵官時閩中舊倭畧盡餘黨復糾新倭  
萬餘攻圍仙遊凡三月繼光引兵馳赴之大戰城下

賊敗趨固安追至王倉坪賊復敗斬首數百級餘鄉  
墜崖谷死者尚數千奔據漳浦蔡丕嶺繼光分軍  
為五哨身持短兵緣崖攀荆榛而上直逼賊營賊伏  
發繼光氣愈奮督各哨並入賊巢俘斬又數百人餘  
賊得脫者流入廣東掠魚舟出海遁四十四年倭自  
浙突犯福寧繼光督叅將李起等合水陸兵擊敗之  
乘勝追勦永寧賊又敗之先後斬賊三百有奇其年  
十月與大猷合擊巨寇吳平於南澳平僅以身免繼  
光遂留擊餘孽之未下者盡平之繼光為將號令嚴  
賞罰信士無敢不用命者與大猷均為東南名將操

行不如也。而果毅過之大猷。老將務持重。繼光則臨  
機電舉。卒見掃除。及是屢推大寇。威名更出大猷上。  
隆慶初。給事中吳時來以薊門多警。請召大猷。繼光  
專訓邊卒。省徵調之煩。部議獨用繼光。乃召為神機  
營副將。先是譚綸在浙。閩與繼光共事。熟其才。至是  
督師遼。薊集步兵三萬。徵浙兵三千。請專屬繼光。訓  
練。帝可之。二年五月。命以都督同知總理薊州昌平  
保定三鎮練兵事。總兵官以下悉受節制。既至鎮。周  
閱營伍。見將卒咸不足用。慨然太息。明年二月上疏。  
極陳其弊。畧言薊門之兵雖多。亦少。其原有七營。軍



不習戍事而好末技壯者役於將門老弱僅以充伍  
一也邊塞遙迤絕鮮郵置使客繹絡日事將迎是泰  
遊為驛使而營壘皆傳舍二也賊至則調遣無法遠  
道赴期卒斃馬僵不救於事三也守塞之卒散漫無  
統約束不明行伍不整四也臨陣馬軍不用馬而反  
用步五也家丁盛而軍心離六也乘障卒不擇衝緩  
備多力分七也七害不去邊備曷脩而又有士卒不  
練之失六雖練無益之弊四夫邊之所藉惟兵兵之  
所藉惟將今恩威號令既不足以服其心分數形名  
又不足以齊其力以故緩急難使一也有大器而不

能用二也棄土著而不練三也諸鎮入衛之兵嫌非  
~~純~~舊練集紀律四也畿輔班軍民兵數盈四萬人各  
一心五也練兵之要在先練將將既不練何以練兵  
方今注意武科多方保舉似矣但此選將之事非練  
將之道六也何謂雖練無益今一營之卒為砲手者  
常十七不知兵法五兵迭用當長以衛短短以救長  
一也三軍之士各專其藝金鼓旗幟何所不蓄今皆  
置而不問二也弓矢之力不強於賊而欲藉以制勝  
三也教練之法自有正門美觀則不實用實用則不  
美觀而今悉無其實四也臣又聞兵形象水水因地

而制流兵因地而制勝薊之地有三平原廣阿內地  
百里以南之形也半險半易近邊之形也山谷仄隘  
林薄翳翳邊外之形也賊入平原利於車戰賊在近  
邊利於馬戰賊在邊外利於步戰三者迭用乃可制  
勝今邊兵惟習馬耳未嫻山戰林戰谷戰之道也惟  
浙兵能之臣發身浙江思用浙人有以也願更予臣  
浙東殺手砲手各三千再募西北壯士足馬軍五校  
步軍十校專聽臣訓練軍中所需隨宜處給臣不勝  
幸賴又書臣官為報設諸將視若綴疣臣安從展布章  
下兵部言薊鎮既有總兵又設總理事權分諸將多

觀望宜召還總兵郭琬專任繼光從之乃命繼光為  
總兵官鎮守薊州永平山海諸處而浙兵止弗調錄  
破吳平功進右都督賊入青山口拒却之自嘉靖以  
來邊牆雖修墩臺未建賊至瞭望不周嘗致失事繼  
光乃巡行塞上相地形議建墩臺畧言薊鎮邊垣延  
袤二千里一瑕則百堅背瑕比來歲修歲圯徒費無益  
請跨牆為臺畔晚四連臺高五丈虛中為三層臺宿  
百人鎗仗糗糧具備令戍卒畫地受工先建千二百  
座然邊卒木樵律以軍法將不堪請募浙人為一軍  
用倡勇敢督府上其議許之浙兵三千如期至陳而

待命郊外天大雨自朝至日晡植立不動邊軍火發自是始知軍令五年秋臺功成積堅雄壯二千里聲勢聯接工費亦大省兵部上其功詔予世廕資銀幣繼光乃議立車營車一輛用四人推輓戰則結為方陣用代城郭而馬步軍處其中又製拒馬器體輕便利可遏賊騎衝突賊至則火器先發稍近則步軍持拒馬器排列而前間以長鎗篋筦賊奔則騎軍追逐逐北又慮師不宿飽置輜重營隨其後而以南兵為選鋒入衝兵主策應本鎮兵專戍守節制精明器械犀利將士遵令用敢越軼自是薊門軍容常為諸邊

剋當是時俺荅已納款奉貢宣大以西烽火寂然獨  
小羊子微土蠻徙居插漢地控弦之士十餘萬常為  
薊門憂而朵顏首董狐狸及其兒子長昂交通土蠻  
時服時叛自繼光在事警報為稀然猶時有鼠竊萬  
曆元年春二酋謀入寇先馳喜峯口索賞不得則肆  
殺掠傍塞行獵以誘官軍繼光提兵掩擊賊敗走幾  
獲狐狸其妻獲寇桃林邊備嚴不得志去長昂亦引  
五百騎犯界嶺官軍與戰斬獲多二酋頗懼邊吏使  
使諷之降狐狸喜款問諸貢廷議許之給以歲賞首  
蓋驕明年春長昂復窺洪山桃林界嶺諸口既不得

入則與董酋共逼長禿令以三百騎寇榆木嶺轉掠董家口繼光率將士逐之賊走追至聶門北安駝石去邊百五十里生獲長禿以歸長禿者狐狸之弟長昂叔父也於是二酋率其部長親族三百人叩關請死罪狐狸又獨卸甲服素衣叩頭乞赦長禿繼光及督府劉應節等議遣副將史宸羅端詣喜峯口受其降諸酋羅拜獻還所掠邊人橫刀設誓乃釋長禿許通貢如故自是終繼光在鎮二酋不敢犯前門繼光尋以守邊勞進左都督已增建墩臺大修邊備分所部十二區為三協協置副將一人分練士馬邊防益

固七年春首炒蠻偕彝婦大嬖只襲栢嶺安邊山掠  
遼華官軍進至葦子石遇炒蠻復以五百騎入掠將  
士與戰破之追奔六十里而還其年十月土蠻大舉  
寇遼東繼光聞急提兵赴援偕遼東軍併力固拒賊  
不敢入引退先是繼光已加太子太保至是錄功加  
少保自順義受封朝廷以八事課邊臣曰積錢穀曰  
修險隘曰練兵馬曰整器械曰開屯田曰理鹽法曰  
收塞馬曰散叛黨三歲則遣廷臣閱視而殿最之繼  
光頻以八事修舉奏金匱子是時南北名將馬芳俞  
大猷已前卒獨繼光與遼東李成梁在薊門以隻騎



不入為功故繼光專主守薊門守固則賊盡聚於遼  
故戚梁獨擅戰功蓋自嘉靖庚戌俺荅犯京師由是  
邊防獨重薊門增兵益餉騷動天下復置昌平鎮增  
設大將與薊門相唇齒猶且時補內地覆軍殺將先  
後督府王忬楊選並以失律誅而大將自庚戌迄隆  
慶丙寅十七年間易置者十人卒不獲善去繼光在  
鎮十六年薊門晏然居民得安耕牧繼之者踵其成  
規猶得數十年無事亦賴當國大臣張居正輩知人  
善任而全事督撫若譚綸劉德節梁夢龍輩咸推心  
置腹動無掣肘故繼光益得發舒速居正沒半歲言

官不審邊計好搏擊武臣而兵科張鼎思者遂言繼  
光不宜於北當用之南當用者素惡繼光不附已遽  
改之廣東繼光邑邑不得意強為一赴踰年即謝病  
而兵科張希舉等復橫加排詆竟罷歸居三年御史  
傅光宅疏薦反奪俸繼光亦以是年卒繼光更歷南  
北並著聲南方戰功特盛北則計專主守均為封疆  
倚賴所著紀効新書練兵事實譚兵者遵用焉第繼  
美亦為貴州總兵官

劉顯南昌人生而膂力絕倫稍通文義家貧落魄之  
叢祠欲自經若有神護之不死乃間行入蜀為童子

師已冒籍為武生嘉靖三十四年宜賓苗酋阿康返  
作亂衆至數千巡撫張臬集兵討之顯從軍先登陷  
陣手格殺五十餘人禽其首惡三人諸軍繼進賊盡  
平顯由是知名授官副千戶時有納級之令輸貲為  
指揮僉事其冬南京振武營初設兵部尚書張鏊薦  
顯知兵召令訓練明年擢署都指揮僉事僉書浙江  
都司又明年遷叅將分守蘇松倭賊犯江北逼泗州  
鏊懼急檄顯防浦口以衛南京顯測賊掠久必遁請  
於鏊追擊至安東時方暑顯披一單衣率四騎直前  
誘賊而伏精甲於岡下賊出搏戰斬其騎一人且聞

且却馬中矢駭下馬拔鐵射殺遁騎一人誘至岡下  
伏發賊大敗去出所俘女首以盡將士顯戒毋犯恣  
縛送有司明日整衆復戰潛令人伺賊出悉焚其舟  
既交鋒顯手斬賊帥一人餘衆披靡諸軍鼓譟並進  
賊敗走舟舟已焚諸軍感之水涯死者無筭顯以功  
進秩三等尋遷副總兵協守江浙三沙倭復流超江  
北被圍於劉家莊顯以銳卒數千來援巡撫李遂令  
盡護江北軍顯益奮率所部大呼直入諸營繼之縱  
火衝擊自辰迄酉賊巢始破遂北至白駒場茅花墩  
又連敗之先後斬首六百有奇賊盡殄顯既奏功巡

撫遂謂賊由三沙來實盧鏗及顯罪顯坐停俸已應  
天巡撫翁大立薦顯驍勇敢戰善附士卒請久任以  
責其成帝可之振武營自兵變後諸將專事姑息兵  
益驕給事中魏元吉薦顯擢顯署都督僉事節制其  
軍顯以故所統蜀卒五百人隨往一軍帖然尋以江  
西寇警詔顯赴勅初賊自福建長汀轉掠石城流劫  
臨川東鄉金谿諸縣衆至萬餘殺掠吏民以萬計勢  
甚熾顯至督兵敗之陽湖賊遂遁四十一年五月廣  
東賊大起詔顯充總兵官鎮守其地廣東故無總兵  
官嘗以一勅臣總鎮兩廣其人率統袴子不習兵致

群盜四起至是始以顯為之會福建倭患棘顯赴援  
與叅將戚繼光連破賊於蘇澳港諸處群寇晷盡而  
新倭至者日衆其年十一月攻圍興化城顯急提兵  
往救則城已陷始顯所統大兵多留江西討賊從入  
閩者不及七百人且疲於奔命而倭新至氣盛顯知  
不敵但逼城為營以伺其隙顯雅有威名興化人初  
聞其至謂必旦夕破賊既而相持不擊大失望南京  
給事御史交章劾之兵部以顯屢著戰功不當臨敵  
易將乃令戴罪辦賊賊之陷興化也乘勝攻陷平海  
衛據之顯等方議進攻會他倭自長樂登陸流劫福

清謀趨平海合勢頭與俞大猷合兵邀擊於遮浪盡  
殲之平海倭懼引舟欲遁為把總許朝光所邀敗潰  
乃盡焚其舟還屯平海無何戚繼光諸軍並集與頭  
大猷進擊大破之遂復興化錄功進光所廕世職二  
秩時江北倭警未息廷議設總兵官於狼山統制大  
江南北改顯任之顯行部通州以勅書許節制知府  
以下而同知王汝言不為禮執其左右鞭之且上疏  
劾奏汝言坐鐫秩四十三年移鎮浙江顯有將畧而  
居官不盡循法度巡按御史黃廷聘重劾之詔解任  
候勘會巡撫劉幾薦顯知兵乃命充為事官鎮守如

故隆慶改元拾事御史以軍政拾遺劾顯不職詔貶秩視事四年用巡撫谷中丞爲還其故官明年移鎮貴州廣西攘賊者是流入安莊聚衆爲亂父子並僭稱王攻剽安順巡撫阮文中檄顯進勦俘斬五百餘人又明年四川巡撫曾省吾議征都蠻令顯移鎮其地復爲給事中李熙劾罷省吾奏留之叙州戎縣故有都蠻介高珙筠連長寧江安納溪大縣間即古所謂瀘戎也成化初嘗爲亂尚書程信討平之正德中普法惡復爲亂都御史馬昊討平之至是其首阿大阿二方三等據九絲山備稱王剽劫遠近其山修廣



可容萬竈而四隅峭仄悉崇巖深菁東北則鷄冠嶺  
都都寨凌霄峰三崗為其外障皆峻壁數千仞拔地  
特起有阿苟者本戎縣民居凌霄峰為賊耳目久之  
其黨漸衆遂雄一方威儀出入如王者官府畏之奏  
給冠帶俾招撫諸蠻苟陽順陰逆獨振獨甚至省  
吾議討之張居正知類才屬以軍事起故將郭成安  
大朝佐之省吾乃檄調永西永寧甯陽石圭平茶寧  
越隴清天全諸土兵合官軍凡十四萬人明年萬曆  
改元三月畢集叙州聲言肅撫遣使誘執阿苟遂攻  
凌霄五月三日拔之進逼都都寨三酋始懼遣其黨

阿墨統精卒千餘人來守官軍頓於寨下經月不克  
以將輸難人有退志省吾勳請於朝居正執不變乃  
鑿難通潛士皆宿飽六月誘阿墨出戰擊斬之遂拔  
其寨三酋益懼阿大自出守鷄冠時谷中地震不止  
咸謂蠻亡之兆而官軍將入九絲慮鷄冠驛其後顯  
策三酋可間乃遣謀者誘阿大許以官阿大受命顯  
部署將卒為五哨分道入八月初盡壁九絲城下盡  
仰攻賊亦殊死固拒九月九日大雨顯謂蠻俗重禱  
賽令賊以雨不我虞必賽神聚飲乘其醉卧急攻可  
破也乃令敢死士冒雨銜枚三更腰鉞而上賊果無

備斬關入之賊驚起自相擊鬪及踐踏投崖死者無  
筭遲明諸將畢至阿二方三以餘衆走保牝豬寨已  
而郭成破鷄冠獲阿大十月諸軍移攻牝豬方三被  
擒阿二走至貴州大盤山追獲之凡克寨六十餘獲  
賊魁三十六俘斬四千六百撫降者三千三百有奇  
拓地四百餘里得諸葛銅鼓九十三銅鐵鍋各一阿  
大見鼓泣曰鼓有剝蝕聲宏者爲上可易千牛次者  
七八百得鼓二三便可僭號稱王始吾輩出掠擊鼓  
山嶺群蠻聞聲雲集出必獲利皆賴此鼓爲靈今已  
矣錫狀如馬大可函牛背刻畫有文彩相傳諸葛亮

以鼓鎮蠻鼓失則蠻運終至是果然錄功進都督同知而督勦餘孽復俘斬首一百有奇都蠻既滅顯即引疾求去且以有司阻撓為言有詔聽顯節制遣者奏聞顯益得行其志七年西川番沒舌丟骨人荒諸砦屢為邊患遣兵擊斬其首惡撫降餘衆而還於是建昌傀儡洗馬諸番畏威咸繫首惡來獻西陲用寧九年冬卒官子純自有傳

論曰大猷繼光謀勇兼擅久歷行間並樹勲於南北誠可謂名將矣然其間臺省擊彈權奸沮挫屢起屢躋賞不酬庸卒鬱鬱以歸投老牖下顯固二臣之亞叙瀟

之役功業爛焉亦以困頓於有司甘心引去嗚乎仁  
古奸邪在內而欲大將成功豈易哉

明史卷三百二十

列傳一百一

盧鏜

湯克寬

張元勳

李錫

尹鳳

郭成

呼良朋

朱先

黃應甲

王鳴鶴

盧鏜汝寧衛人嘉靖時由世廕歷福建都指揮僉事  
為巡視都御史朱統所任統被劾自殺鏜亦論死係  
獄尋赦免以故官備倭福建三十三年倭賊掠上海  
嘉定備倭都指揮梁鳳不能禦以鏜代之賊自海鹽  
趨嘉興鏜督兵追擊賊少却次日戰於孟家埭以鏜

殺官軍百人溺死五百人賊乘勢據石墩山分  
掠責鑑戴罪辨賊尋擢叅將分守浙東濱海諸郡明  
年與副使俞大猷大破賊於王江涇論功當進秩坐  
主帥張經獲咎其功不錄鑑旋督保靖土兵及蜀  
將陳正元兵擊賊於張莊賊見官軍勢盛閉壘不敢  
出元正以少兵挑之賊出戰官軍四面奮擊縱火焚  
其壘賊奔遁官軍追擊之及於後港賊反兵迎敵諸  
軍悉潰其秋賊乘三舟出沒台州外海都指揮王沛  
引水師出哨遇於大陳山頗有新獲賊遂棄舟登山  
官軍焚其舟四面環守鑑聞遂以大兵會之入山搜

勦生擒首長林碧川等數人餘倭盡滅踰月別賊自  
樂清轉掠黃巖仙居奉化餘姚上虞諸縣指揮閔溶  
等遇之敗死鏜時留定海備舟山賊遣兵擊之又  
不勝坐奪職戴罪自効旋以廷臣會薦擢協守江浙副  
總兵三十五年夏倭賊攻隔仙居乘勝趨台州鏜引  
兵破之彭溪俘斬百有奇賊遂遁乃與胡宗憲共  
圖徐海海竟殲宗憲之招王直也鏜亦多方說日  
本使善妙令擒直直由是與日本貳卒伏誅明年倭  
犯江北鏜督軍馳援破之已而北洋有倭二十餘艘  
鏜率將士出哨遇之下令急攻賊敗斬首百二餘



級賊遂歟舟三沙無何復流劫江北巡撫李遂金  
寶縱賊資以舟糧劾奏之時鏜已擢都督僉事尋江  
南浙江總兵官詔奪鏜職白衣視事頃之視師通政  
唐順之疏薦鏜復職如初尋以誅玉直功進都督同  
知四十年倭復數浙東官軍水陸十餘戰斬首千  
四百有奇焚溺死者無算總督宗憲以蕩平聞鏜復  
增俸費金初鏜之擢用本由宗憲及宗憲敗鏜不自  
安求去時朝士方求多於宗憲給事中丘舜遂劾鏜  
八罪詔革鏜職下巡按御史逮治竟死歸鏜有將畧  
善用兵方倭難初興諸將悉望風潰敗獨鏜號為敢

戰故卒致位大帥時武功最著推命大猷威繼光次則鐘及湯克寬均為東南倚重云

湯克寬邳州衛人父慶嘉靖中為江防總兵官克寬承世廕歷官都指揮僉事克浙江叅將三十二年春倭賊犯温州克寬督師擊敗之賊多溺死城獲全別賊寇嘉興屬邑克赴援至海鹽賊悉衆圍之克寬偕叅政潘恩等晝夜拒守賊四面環攻久之不克乃縱火焚城樓及民居數百間而去無何賊攻陷乍浦城轉掠至奉化寧海克寬追圍於獨山民家用火焚之賊半死餘衆奪圍遁於海是時倭勢大熾濱海皆

郡多被其患而將士徂於承平不習軍旅聞賊即奔  
且無大帥為之統率軍情益渙於是給事中賀正御  
史汪克用建議請特設大將統制江淮世宗然之乃  
命克用為副總兵駐金山衛提督海防諸軍先是賊  
由華亭滌閘登陸犯戚木涇金山衛諸處官軍盛  
之賊已東遁至是有倭三百人泊崇明南沙舟壞不  
能去克用偕僉事任懷列兵守之久而未克乃督將  
士環攻賊殊死戰官軍敗績亡卒四百餘人賊遂移  
舟泊寶山克用率舟師追擊及於南家嘴燬其舟多  
所斬獲賊乃轉寇嘉定上海間御史孫慎効克用繼

賊不擊坐奪官從軍自効明年有新倭二千餘人自南沙分掠蘇松諸縣克寬遂戰採陶港破之斬首百八十餘級奪還輜重無算其秋浙西叅將張深病不任戰巡視都御史王忬薦克寬代之是時賊來益衆而官軍積弱不能振其冬克寬遇賊於嘉湖戰復失利詔褫帶以白衣辨賊明年四月總督張經議搗賊巢於柘林令克寬將廣西土兵屯乍浦與俞大猷等相犄角已賊將犯嘉興克寬引舟師邀之偕諸將大戰王江涇賊大敗斬級二千論功當叙會趙文華劾經蔽克寬言欲俟倭飽颺以水兵掠餘賊報功遂

併逮同繫獄論辟久之赦免會廣東用兵令赴軍市  
自効內十三年夏從俞大猷大破倭賊於海豐克寬  
手擒渠帥三人詔還其世廕俄以為惠潮叅將明年  
冬復從大猷破劇賊吳平於南澳平僅以身免已而  
復振克寬偕諸將李超等連戰皆不利時克寬已擢  
狼山副總兵留討賊俄合諸軍敗賊陽江烏豬洋平  
寇奔安南都御史吳桂芳檄安南協討遣克寬以舟  
師會之夾擊平於萬橋山下日暮風起將士用火焚  
其舟賊大敗赴水死者無算生擒斬首四百人平遂  
遠竄乃進克寬署都督僉事為廣東總兵官平既遁

其黨曹一本突入海豐惠來間為惠克寬倡議撫之  
一本乃乞潮陽下滄地以居且令其黨千二百人竄  
籍軍伍入則廩食於官出則剽掠海上又令鹽艘商  
貨悉輸稅居民苦之於是奸民陳世業等遂鼓衆反  
攻圍揭陽克寬急調一本軍勦屠之而匿一本救變  
事不報已而一本亦反執澄海知縣張濟殺吏民數  
千人事聞詔逮克寬訊治時隆慶二年三月也尋復  
赦免赴薊鎮立功萬曆四年屬夷抄襲入掠古北口  
克寬偕叅將范宗儒出塞追之遇伏戰死  
張元勲字世臣浙江太平人嗣世職為海門衛新河

所百戶為人沉毅有謀時值倭警隸叅將戚繼光麾下平鄉邑賊有功進千戶從破橫嶼諸賊累進署都指揮僉事充福建游擊將軍隆慶初破倭福安改南路叅將從總兵官李錫大破海寇曾一本進副總兵五年春擢署都督僉事代郭成為總兵官鎮守廣東先是惠州河源賊唐亞六廣州從化賊萬尙欽韶州英德賊張廷光糾連劫掠郡縣莫能制明年元勳勒兵進勦斬賊六百有奇亞六等授首餘黨悉平肇慶恩平十三村賊陳金鶯等與隣邑苔村三巢賊羅紹清林翠蘭譚權伯藤峒九迺十寨賊黃飛鶯丘勝富

黃高暉諸可行黃朝富等相煽為亂勢甚張故事兩  
粵惟大征得叙功鵬勦雖有功不叙故諸將樂大征  
不樂鵬勦甚至養寇不擊至是總督殷正茂與元勳  
計令郡縣得鵬勦論功於是諸軍爭奮而正茂又密  
遣副將梁守愚將擊王瑞等屯兵恩平若常戍者一  
夕掩其不備斬翠蘭等三百七十餘人俘獲如之生  
擒紹清權伯以獻其諸路鵬勦者並劾首功凡斬獲  
二千四百有奇焚溺死者無算還被掠子女千三百  
餘人金鶯亦生致麾下惟高暉等亡抵故巢元勳遂  
北至藤峒大破之生獲勝富可行朝富等八十人殲



其餘部將鄧子龍等亦獲高暉飛鶯由是三巢十寨  
十三村諸賊盡平餘悉而縛就撫其年復有惠潮之  
役惠潮地相接山谿險峻林木茂深賊首藍一清賴  
元爵與其黨馬祖昌黃民太曾廷鳳黃鳴時曾萬璋  
李仲山車子望葉景清曾仕龍等各據險結砦雄視  
一方其別砦渠魁復以百數連地八百餘里聚黨數  
萬人聲勢相倚流劫遠近殺人不可勝計吏民陳詞  
告變者相踵積五六年不能討至是正茂議大舉征  
之會陳金鶯等已破賊諸賊頗懼曾廷鳳曾萬璋並  
遣子入學馬祖昌葉景清亦伴乞降正茂知其詐微

兵四萬令叅將李誠立沈思學王詔游擊王瑞等分將之元勳居中節制而以諸道監司陳奎唐九德顧養謙吳一介監其軍期十二月二日出師諸將數道並進賊遇之輒摧敗乃憑險自守或奔竄山路間官軍氣益奮深箐邃谷無不搜討所在捷書相繼而元勳親提大軍偕九德追亡至南嶺屢戰俘斬五百餘人已自陳田一日夜馳至養謙所擊破李坑生得車子望等九人盡殲其衆時歲已盡元勳暫休其軍以明年正月引兵疾攻烏禽嶂破之是時賊勢已大衰而曾仕鳳猶阻高山不下元勳乃與一介養謙飲酒

高會示以不戰俄忽治兵擊破之生得仕鳳諸道將  
吏並以賊盡聞乃班師是役也獲大賊首六十一人  
次賊首六百餘人破大小巢七百餘所生禽斬首一  
萬二千有奇帝為宣提告郊廟進元勲署都督同知  
世廕百戶時賊魁雖殄餘黨多奔據山谷後肆剽掠  
其年九月元勲復督諸將討之先後俘斬一千三百  
餘人還被掠子女五百有奇元勲知賊已困遣諸生  
分道撫之其人率稽首聽命歸農者復數百人積年  
劇寇至是始靖潮州賊諸良實賊魁林道乾黨也雖  
就撫而擁衆自如然何襲殺官軍數十人又掠六百

餘人泛舟入海正茂聞令元勳督諸將討之副將李  
誠立先破賊黨何騰輝巢良寶遂西遁俄率其黨寇  
陽江見知縣陳嘉謨兵盛焚掠村落而去他賊誤以  
為官軍也迎戰焚其舟十一艘溺死者無算賊乃再  
犯陽江為官軍所敗遂遁出海諸將進之多所斬獲  
乃還據潮故巢良寶故習兵能與下同甘苦得其心  
為盡死力所居在高山巔深濤固壘不出戰而官軍  
列營田中田多淤泥不利馳逐李誠立常伏兵挑戰  
山上用巨砲擊之隨出兵迎敵官軍敗賊乘勢崩之  
誠立走墜馬傷足士卒死者二百人盡掠輜重而去

賊既得志分兵四出掠食官軍奪其二十舟賊收走  
巢諸將四面圍之賊掘坑塹固守元勳以牛車載草  
土積與賊壘平而用諸火器力攻之賊始潰斬首千  
一有餘級還被掠子女二百人時萬曆二年三月也  
捷聞進元勳世廕一秩時山海諸寇累遣孽魏朝  
義等四巢亦就元勳降尋與胡宗仁共平良野黨林  
鳳自是惠潮二郡寇警遂息其冬倭陷銅鼓石雙魚  
城元勳追至儒岫大破之俘斬八百餘級進秩為真  
五年從總督凌雲翼大征羅旁賊斬首至一萬六千  
餘級進都督故廕節衣明年以疾致仕卒於家元勳

起小校值時多故大小百十餘戰未嘗挫衄晚年戰  
功益著威名震於嶺南與廣西李錫並稱一時良將  
云

李錫歟人世新安衛千戶既嗣職值倭警數從征有  
功為通州守備倭賊入犯率所部兵擊敗之屢擢揚  
州叅將江北副總兵隆慶元年冬以署都督僉事為  
福建總兵官海寇曾一本聚眾數萬橫行閩廣間時  
俞大猷將赴廣西總督劉燾令會閩師夾擊明年六  
月一本遂泛海至閩錫勒諸軍出海禦之與大猷遇  
賊柘林澳三戰皆捷俘斬甚衆賊遁入馬耳澳整衆

復戰會廣東總兵郭成率叅將王詔等以師來會次  
萊蕪澳分三哨進攻一本勢窮駕大舟力戰諸將合  
兵連破之燬其舟賊遂大敗詔生擒一不及其妻斬  
首七百有奇死水火者萬計積年巨寇盡平復聞文  
武將吏皆進秩錫加署都督同知明年倭賊入寇擊  
却之六年春以征蠻將軍代大猷鎮廣西平樂有府  
江者桂林抵梧州驛道也南北綿亘五百里兩岸悉  
崇山深箐賊巢盤互積為郡邑患自嘉靖間張岳破  
平復至是復揭撥嘗攻荔浦圍永安執知州楊惟純  
邀重賄乃出當是時道途梗塞城門盡閉守將莫能

制大猷常議討之會罷官不果錫初抵任巡撫郭應  
聘與計徵兵六萬令泰將錢鳳翔王世科都指揮王  
承恩董龍各將一軍以副使鄭茂金柱食事裏道南  
監之而錫居中節制諸軍隨山刊木累入其阻所向  
克捷破賊巢數十斬馘五千有奇俘獲稱是擢前楊  
錢甫等悉授首江道為清錄功進世職二等柳州之  
懷遠徭獍矜狎環居之而徭尤橫悍自嘉靖中侵據  
縣治吏民率寓居郡城隆慶時大征古田用兵威懾  
之諸徭咸聽命知縣馬希武乃赴任繕治城壘以徃  
後遇嚴諸徭咸怨殺希武及經歷俞冕等五人據城



復反。巡撫應聘與總督殷正茂議征之。萬曆元年正月，錫以二萬人進次長安鎮。會雨雪連旬，樵薪不繼，乃退師。益徵浙東烏銃手、湖廣永順鈞刀手及狼兵十萬人。以十二月進師。於是叅將錢鳳翔、王世科都指揮楊照威繼美，故叅將亦孔昭、魯國賢分六道並進。監以副使沈子木，而錫自統水師。次羅江，獨當其衝。時賊屯板江大洲，四面累石樹柵，自固而潛以戰。魏來襲，錫先已伏舟江口。賊至，伏發，遂潰。還旦日，錫督兵陸趨賊洲，而令水軍溯流砍柵而進。會鳳翔等衆軍亦至，賊見官軍大集，悉舟西遁。將士追擊覆賊。

亦無筭運破其數巢賊聚衆楓木大山前阻隄洞鼓譟果衝諸軍開營奮擊而別以奇兵繞其後賊大奔諸軍長驅直抵城下賊復收餘衆保天鷲嶺錫以水軍截潯江督諸將前攻賊悉衆來拒擊斬其渠魁二人賊大敗將士乘勝追擊復破數巢直抵清州界是時官軍氣盛窮追不已賊奔據一大巢長亘數里崖壁峭絕列大木爲重柵以拒官軍諸軍張兩翼奮力仰攻賊亦殊死鬪鏢弩矢石雨下有數婦裸體揚箕擲牛羊犬首爲厭勝諸軍大呼直上四面舉火烟焰蔽天賊盡殲以明年二月班師先後破巢一百四十

獻馘三千五百有奇俘獲童稚千人撫降者五百人  
遂移師討洛容洛容數為獫狁殘破城中民戶無幾  
署印典史謝璋忿撞不酬賈人直執二獫狁之諸獫  
遂入城殺獫狁應聘怒檄錫還軍討之而是時永福永  
寧柳城並以賊告乃分兵為四令王瑞以一軍趨永  
寧楊照以一軍趨柳城恭將門崇文以一軍趨永福  
亦孔昭以一軍趨洛容而錫統舟師屯理定江節制  
諸軍諸軍乘懷遠之勝氣咸奮甫二旬四道並捷凡  
斬首四千五百有奇洛容賊首陶浪金等俱伏誅錫  
以功進秩二等時錫威名甚盛巡按御史唐鏐言錫

一年內破賊二百一十四巢獲首功一萬二千餘級  
宜久其任帝可之尋從凌雲翼大破羅旁賊授世廕  
百戶六年卒官

尹鳳字德輝南京人世府軍後衛指揮同知鳳早孤  
讀書嫻騎射舉武科鄉會試皆第一權署都指揮僉  
事為中都留守尋移福建備倭嘉靖三十一年率舟  
師討海寇許朝恩斬首百六十還瀕獲人口倍之賚  
銀幣徙會浙江都司進福建叅將分守濱海諸郡倭  
嘗入犯鳳禦之無功下御史按問以兵寡得原福建  
改無大帥衛所軍半缺額存者又罷弱不任戰鳳召

蒙驍果束以部伍法士皆可用三十七年倭犯懸安  
同安長樂陷福清南安已自內地連踪出海鳳引水  
軍邀擊沉其七舟餘賊敗遁追至外洋連戰泚東  
洛七礁諸處生擒斬首二百人溺斃死者甚衆鳳先  
坐陷城失官至是叙復明年倭賊掠永福者駕舟出  
梅花洋鳳及指揮張備以水軍夾擊賊敗走追襲至  
橫山復敗之擒斬二百六十有奇奪還兩獲無集當  
是時江浙群倭斬平現閩中無大軍來者日來濱海  
郡縣悉被其患巡撫王詢督鳳及叅將王麟都指揮  
王夢麟等水陸分禦大小十數戰賊多摧敗內地稍

寧鳳尋改掌浙江都司謝病歸隆慶初詔舉將才言  
者多薦鳳起掌福建都司從平大盜曾一本再乞歸  
復起掌浙江都司歷蕪松叅將萬曆初擢署都督僉  
事提督京城巡捕先是兵部尚書譚綸赴召道杭州  
鳳執三司禮見綸不悅退廢其治狀心異之故特起  
擢中官多聞出內府財物鳳訊防掖門尤姦人為  
歛手以輦下多伏慝條上便宜十事部悉議行未幾  
謝事歸家居二十餘年卒鳳雖列石職而東禮持廉  
性尚恬退年踰五十即堅辭不仕世尤以是高之  
郭成西川敘南衛人由世職歷官蕪松叅將進副總

兵倭犯通州為守將李錫所敗轉掠至崇明三沙成  
率舟師逆擊海中沉其舟斬首百三十餘級隆慶元  
年冬擢署都督僉事為廣東總兵官曾一本之流劫  
福建也成督兵渡海追之大獲進者都督同知先是  
叛將周雲翔等殺叅將耿宗元亡入賊中至是屯兵  
平山大安峒將寇海豐成倚南贛軍直趨平山夾擊  
之賊大敗斬首千三百餘級獲被掠通判潘槐而下  
六百餘人生繫雲翔而歸潮州揭陽惠來諸縣賊巢  
以百數郭明據林樟胡一化據北山洋陳一義據馬  
湖勢尤張剽劫遠近踰二十載三年秋成督諸軍分

部進勅明等俱授首俘斬千三百有奇諸巢悉平五  
年春四川都蠻為亂撫臣請擇帥詔成移鎮尋以御  
史論劾罷歸萬曆改元廷議大征都蠻詔成充為事  
官為劉顯副連克凌霄諸大寨直逼九絲城城壁立  
山上成先登拔之蠻大敗乘勝克雞冠寨生繫蠻王  
阿大盡傾其巢初成父為蠻所殺嘗思報之至是以  
斬斬首級及生獲諸蠻置父墓前剖心致祭鄉人壯  
之尋食書南京後府五年出為貴州總兵官鎮守銅  
仁成有膽智每苗出掠潛遣壯士入其砦斬截而出  
苗猶不知嘗挺身出入林箐察視賊情苗一日數驚



曰郭將軍至矣相戒莫敢犯八年冬復坐論罷歸明年冬再起四川總兵官永寧宣撫奢劾忠卒其妻奢世統無子妾奢世續生子崇周幼前總兵劉顯因命世續署宣撫印世統怒攻奪其落紅寨世續出兵永寧成遣義兒郭天心偕指揮禹嘉績按問天心遂據世續永寧私第罄取其貲而成亦發兵入落紅肆焚掠奢氏九世之積俱盡劾忠第沙遂舉兵拒敵格殺裨將三人天心等亦為所執撫按交章劾成成坐下吏遣戍雲南會有松茂之役廷臣薦成詔從軍自劾成乃將七千人直抵黃沙托賊吮屙屢戰破賊與總兵

官李應祥盡平河東西諸巢餘賊悉降成以功授叅將十五年冬復偕應祥大破賊乃諸賊增世職二級無何賊乃黨楊九乍復出為亂成討平之十八年火落赤擾西寧四川巡撫李尚思以地近松潘檄成一軍軍松林游擊萬登以一軍軍漳臘寇不敢逼西陲獲安二十二年播酋楊應龍叛巡撫王繼光集兵數萬命成偕副將曹希彬游擊王之翰分三道進討皆無功詔責令戴罪辦賊尋卒於官成勇敢善戰雖屢遭挫抑語將才者必推之

呼良朋字如蘭福建鎮東衛人嗣世職為千戶巡撫

阮鶚令巡警海上擊斬巨倭十餘人由此知名鶚任  
為中軍繼鶚者劉燾游震得汪道昆塗澤民並相倚  
任以復興化功進指揮同知曾一本之入犯也官軍  
禦之幾失利良朋手發大砲沉其元賊遂大敗以功  
進汀漳守備賊黃裳等因平遠良朋馳解其圍進游  
擊將軍遷南路叅將嘗設伏出奇大破廣寇何廷輝  
萬曆初佐胡守仁擊林鳳於澎湖資銀幣進廣東副  
總兵六年推署都督僉事代王尚文鎮守福建良朋  
幼孤家酷貧素為儕輩侵侮至是建節鄉邦故時儕  
輩及位其上者旬旬訕訕不敢作視而其嘗侵侮者

率內慙日虞修慙良以一切待之如初人以是服其  
雅量倭常一入犯督舟師邀擊斬獲多良朋既官於  
鄉監司以部人望其降禮而良朋持體不少遜遂肆  
蜚語會軍政拾遺南京言路交劾之賴樞部保持貶  
三秩稅事如故十二年後代尚文鎮廣西昭平叛卒  
張鳳等據三峒為亂良朋急檄叅將白玉聞道趨荔  
浦而親督大兵繼進悉殲之高江諸徭素猖獗及聞  
昭平兵變遂相扇而起良朋與巡撫吳善部勒諸軍  
令白玉及遊擊侯繼高等將兵擊之斬首千餘級俘  
八百餘人而還廣東之開建廣西梧州之懷集興平

樂之賀縣界連金鵝黃沙諸峒搖首嚴秀珠等據之  
久為郡邑患總督吳文華集兩粵兵分至道屬良朋  
討之斬首獲生以千計撫降者千四百人諸邑底定  
未幾而有府江之役府江者粵西孔道江之西岸峯  
巒幽翳林菁蒙密搖擅世居之勾連洛容象州諸賊  
肆惡無已時良朋與巡撫善集兵二萬令諸將四道  
並進賊莫知所防遂大奔諸軍窮追深入斬賊九百  
有奇俘賊屬七百餘生獲賊首李婆蘭等一百餘人  
撫降者千餘家積年劇寇遂靖先是李錫等討府江  
賊道路稍通至良朋志別蒙翳治橋梁增郵置兩江

之間為清良朋事母孝以道遠不獲迎養年踰五十  
即以待養歸又數年卒

朱先字後之嘉興人幼有膽智好習兵書傾貲結客  
日談兵角藝嘉靖中倭難起以武舉應監司辟乃部  
勒故所結客為一軍搏賊澈浦生獲其酋滕方由是  
顯名巡撫李天寵召見酌以酒厚賚之先進曰方今  
賊勢正熾非精兵不能破然兵 不易精惟海濱鹽  
徒力敵百夫習格鬪募之即精兵且此輩不為官用  
即為賊用正湏急為計耳天寵納其言不數日得壯  
士五百人御史胡宗憲聞之召先置麾下自是大小

數十戰先登陷陣無不摧破倭之自南京抵蘇州也  
止五十餘人官軍環視莫敢擊當事惶懼請於浙額  
得先勦之先提百人趨至三戰皆捷賊過半當事  
見零賊易滅乃止先而令他将平之倭據周浦以永  
定寺為巢諸將攻之久不克侍郎楊宜御史周如斗  
募能滅賊者題授錦衣世指揮先應募計是夜必雪  
雪後必風賊止防陸不防水乃率壯士携火器冒雪  
渡河直入寺中潛布火器而反頃吏風大作火亦颺  
華賊驚起擾亂先軍大呼競鳴金發砲遙作聲勢賊  
益駭以為官軍已入其巢自相擊刺伏屍狼藉比明

奔遁爲他將所邀得脫遂即而論功如斗臂前納  
但增二秩尋破倭乍浦出巡撫阮鶚於圍攻圍沈莊  
卒殲巨寇徐海積功累遷蘇州衛指揮使遂家馬三  
十六年兵部薦爲京營把總還浙江製武器計擒妖  
人李福松散其黨數千人總督胡宗憲留攻岑港賊  
數敗之還福建坐營都司爲巡撫王詢倚任詢常被  
圍於泉州先與賊對壘三晝夜卒保其城當是時江  
浙倭警已息憲盡移之閩中先提水軍邀擊梅花笠  
中竿塘橫山諸洋連破之其登陸者復破之蒜嶺楓  
亭奪還婦女數百人時已暮先慮桑植土兵淫掠令



移營興化城下明火達旦迄無犯者總督宗憲召為  
麾下坐營有千總王緒者將北兵千人駐杭州謀為  
不軌宗憲屬先國之先用計散其黨而出不意擒緒  
一城遂安從宗憲入閩大破倭賊於牛田未幾宗憲  
被逮先解官護行及宗憲釋還先亦歸居蘇州有御  
史按閩者稽覈軍費謂前巡撫詢有所乾沒檄先証  
之先曰王公故無私先亦不敢以部將証府主必欲  
誣王公寧先自証御史怒即坐先萬金論死繫獄逮  
近舉知其寃無為昭雪者閩八年始白萬曆初用薦  
起鎮江圖山把總遷至以總擊將軍圖山人周留命

以新秩仍舊任尋遷涪將土官創有饋遺堅辭  
不納列行間十七事請於制府而行之軍令一新改  
轄薊鎮南兵營南京素桀驁有教人鼓譟辱其部長  
其人內有所倚悍然無懼先縛而杖之且截其耳狗  
衆一軍股栗朵顏酋董狐狸長昂數盜遺剋撫張國  
彥議討之先偕副將張邦奇長驅出塞將搗其營二  
酋懼急率衆乞降擗刀為誓乃旋師再還本鎮副  
總兵仍轄南兵營先是總督蹇達以南兵糜餼議廢  
其營發卒守臺先慮其為變力言不可達不聽諸卒  
果叛滅餼之說益惑衆軍於是二千里守臺之軍盡

謀而下邊庭大震先方擢副總兵急言於達請委罪  
於已罷已官以說衆心達不得已從之踰二旬衆心  
漸定先密捕叛亂四人誅之亂遂弭召先為五軍八  
營叅將再遷狼山副總兵十九年擢署都督僉事為  
廣東總兵官甫抵任會日本聲言內犯詔改鎮福建  
條軍中利弊二十七事議行之海防大飭尋以年老  
謝事歸起南京前府僉書復為廣東總兵官先時年  
幾八十力辭不赴卒於家先為將砥節首公清白自  
矢恬於進取好施不倦其處胡宗憲王詢二事論  
者以為有國士風

黃應甲

人隆慶中累官導梧左叅將從大師

俞八狀討平古田巨寇韋銀豹進秩二等萬曆五年  
累遷浙江總兵官七年改鎮廣東龍川賊鮑時秀聚  
黨數千人據義都嶺嶺為巢日事剽掠妻杜氏工妖  
術能走沙石擊人乃立黨為二十四方大總旬號無  
敵嗣王郡縣莫能討及諸良寶藍一清等破賊時秀  
懼乞降至是復反應甲督叅將季金等四面合攻大  
破其營壘生擒斬首以千計餘寇盡平海濱故有蛋  
戶以舟為家業常捕魚或編蓬附水而居性習水有  
急則自投於水須臾復出海上號為水獺其人女子

勇倍於男兒子強踰於壯有蘇觀陞周才雄者石城蛋  
戶也阻烏兔多浪為險世擅珠池利招致四方亡命  
至數千人時出劫雷蕨間後犯斷州千戶田治善擊  
劍手格殺十數人蛋亦募善劍者與治鬪治素劣蛋  
反為所殺於是應甲率指揮文濟武等五將水陸並  
進賊聞官軍大舉率衆遁逃將士分道追逐生獲觀  
陞才雄斬首四百餘級其黨林允厚等遂縛酋長陳  
衆出降未幾而梁本豪復北本豪亦蛋戶也先附曹  
一本一本誅竄入海嘯聚徒侶沿海甲兵日夜習水戰  
遣人往西洋交驩道知狀以乾又結倭兵為助而海

上不逞之徒往往竄迹於焉之日耳其勢日張嘗  
殺千戶一人掠通判一人屠戮良民無算十年六月  
總督陳瑞與應甲謀討之乃令裨將二人各率水軍  
千二百人一軍老萬山南備倭一軍虎門東備蛋又  
分裨將二人備外海而別以西軍分扼要害期七月  
初並發於是水軍衝鋒沉蛋舟二十生獲本豪賊大  
敗諸軍競進各有斬獲賊盡奔石茅洲將士追北大  
破之賊復奔潭洲沙灣聚舟二百餘艘及倭舟十餘  
艘相為犄角諸將合追賊復大敗先後俘  
斬千六百有奇沉其舟二百餘撫降者二千五百帝

大喜為告郊廟大行叙賚應甲等進秩有差無何他  
倭及番賊寇掠瓊崖應甲偕副使薛夢雷等發兵進  
勦斬首二百餘奪其舟獲器仗千四百應甲再賜金  
旋入食左軍府罷歸卒

王鳴鶴淮安衛人萬曆中嗣世職指揮僉事歷鄖陽  
守備叅將朱萬春惡都御史李材激部卒為變鳴鶴  
責以大義已欲殺副使丁惟寧鳴鶴叱止之由是知  
名再遷貴州叅將都司上司作亂討平之累官署都  
督僉事為廣西總兵官三十三年思明府土司陸佑  
叛叅將丁應科勦之失利召還誘安南祿州夷官率

達禮令侵擾思陵執二官名召曹奪其印而去督撫  
戴唯陽芳屬鳴鶴發兵討佑徽安南都統使黎惟新  
執獻達禮達禮懼遷浪印還且助官軍拒守要害傳  
獻間謀十八人佑竟擒滅朝議既貸達禮不死而耀  
等猶以前負持之於是維新刺殺達禮函首來獻是  
時安南不貢已二十年至是復補貢方物鳴鶴以功  
增秩賜金三十五年改鎮廣東崖州故多黎人而羅  
活抱宥二峒尤強至是羅活賊四出剽劫四十一年  
總督張鳴崗既遣將勦之而撫黎通判葛經復使土  
舍符起鳳往撫撫勦相乖致抱宥背盟反助羅活射



殺小校一人副使姚屨素再遣將往討仍令起鳳執  
獻首惡裨將輕進邀功為賊擊敗起鳳亦被殺鳴崗  
乃大發兵遣副將楊應春等討之而徵廣西總兵官  
張萬紀協討軍無紀律為賊所乘大敗萬紀及叅將  
宗貴殲焉已而將士獲熟黎數人加以酷刑郡黎益  
蠢起攻陷樂平營進圍崖州海南大擾四十二年鳴  
鶴督諸將及廣西狼兵分七道進擊連破之乃會師  
直抵其巢縱火焚之賊厄嵩略盡抱宥既破羅活自  
焚其營盡奔遁諸軍長驅直入且勦且撫羅活亦平  
凡俘斬六百餘人歸降者五千三百有奇時陵水

黎人亦叛。叅將葉應春招下海之賊。濟敗。招撫一十  
六峒而還。乃建城堡。設戍兵。規畫善。後一方遂安。鳴  
鶴尋卒於任。

論曰。盧鏜。湯克寬。張元勳。李錫並建績東南。威望表  
著。殆卓爾干城之選矣。不然。當倭族交訐。難以搖蕻。  
欲廓清海嶠。綏靖苗頑。亦未易言也。尹鳳而下俱一  
時良將。分間優如。而呼良朋之薦。孝朱先之仗義跡。  
其節槩。勿論登升之士。嘆為難能。即讀書君子亦且  
愧之矣。噫。